

Na: ABVO – Boneiru  
Sr M. Anthony, sekretario ABVO-Boneiru  
Kaya Jato Baco 36  
PRESENTE

Kralendijk, 14 di Mei 2018

Tokante: akseptashon di oferta di CAO di ABVO

Apresiabel senjor Anthony,

Na November 2017, Sr. Anthony a entrega na mi persona un proposishon pa un CAO di parti di e sindikato ku Sr. Anthony ta representa aki na Boneiru, ku ta ABVO, yamá “Collectieve Arbeidsovereenkomst Stichting Nationale Parken 2017-2019”.

Despues di ampio estudio di e oferta di ABVO aki, i deliberashon den seno di STINAPA, pa medio di e karta aki, mi ta konfirma ku STINAPA ta akseptá e oferta di ABVO aki, i mi lo firma awe e CAO ku Sr. Anthony a pone dilanti di mi komo representante di STINAPA sin reservashon ni objekshon.

E CAO di ABVO ta trese sierto kambionan importante pa tur empleado den nan kondishonan di trabou ku ta den vigor na STINAPA aktualmente. Entre otro e siguiente:

- Den artikulo 1.2 (werkingssfeer) di e CAO, ABVO ta eksigi ku e CAO aki ta konta pa tur empleadonan di STINAPA, tantu miembro di ABVO komo non-miembro. Esei tin komo konsekuensha ku tur kondishonan di trabou ku ta den vigor na STINAPA aktualmente (naturalmente banda di lokual ta para den kontraktonan individual), lo kambia pa tur empleado, basa riba e proposishon di ABVO.
- Den artikulo 4.5 (aanpassing lonen aan wijziging kosten levensonderhoud), ABVO ta eksigi un aumento anual di salario di 1-2%. Mirando ku desde 2011 (implementashon di Doler Merkano na Boneiru), salarionan mediano na STINAPA a subi ku mas ku un kuarto, esta 26% total (ku ta mas ku 3% kada anja), esei tin komo resultado ku empleadonan di STINAPA lo hanja 1-2% aumento di salario menos tur anja.
- Den artikulo 5.3 (vakantietoelage), ABVO ta eksigi un vakantietoelage di 6% di e salario anual. Resultado di e ABVO-eksigensha aki ta, ku empleadonan di STINAPA lo hanja 2% menos di vakantietoelage (aktualmente STINAPA ta paga 8%).
- Den artikulo 9.15 (jaarlijkse Kerstgratificatie), ABVO ta eksigi ku tur empleado di STINAPA lo hanja un eindejaarsuitkering di USD 400-500. Mirando ku STINAPA te aworaki ta duna tur empleado un luna kompleto ekstra (13<sup>e</sup> maand kompleto), esei ta nifika ku e CAO di ABVO ta baha e eindejaarsuitkering di tur empleado ku shenan, i den sierto kasonan miles di doler.

Di parti di STINAPA, direktor ta firma e CAO di ABVO aworaki, pero nos lo pone e CAO dilanti di direktiva i tur empleado di STINAPA pa hanja nan ratifikashon prome di 1 Ougustus 2018. Si nan ta konfirma nos aprobashon, nos lo implementa e CAO di ABVO aki entrante 1 september 2018, almenos te ku 31 di Desember 2020.

Ku nos akseptashon kompleto i sin reservashon di e CAO di ABVO aki, mi ta kere ku nos a kumpli ku tur eksigensha di ABVO, i mi ta kuminda ABVO ku e resultado.

Atentamente,

Arjen de Wolff,  
Direktor di STINAPA